

定鄉小識卷十四

錢塘張道少南

隄約記

濤山浪屋需障防之功石礪沙涇賴瀦洩之術政屬水利祭在土庸至於杠長倚短雪瀑所經拖屐褰裳寒流弗病苟備識夫興廢即可知其塞通定鄉境瘠陬偏為水利也微矣顧其流由溪澗而達浦瀆徑洲渚而赴江溟脈竝貫注勢恆需賴故山田愴其順出利俾之淳以蓄洩時灌溉江田震其逆入利使之

定鄉小識卷十四

一

卻以隄防資捍禦是在相夫形勢司其消息而已若夫渚唇浦尾雲堦霜梁駐馬卸帆時佐吟賞崔君路轉之詠虛谷寒塘之什

卷中所引崔國

輔句及朱橋下所引方回詩

范家村畔筍瀆夜橫

梁范伯珪有為橋以度盜

筍人

恩德洞邊梅澗曉跨

蘇東坡風水洞詩溪橋曉溜浮梅萼

則尤足以洗繪郊景觸撥羈情雖無當於它山水利之編要亦竝夫西溪梵隱之志焉爾

江塘

康熙錢塘縣志錢江之水昔稱浪屋濤山瀕

江居民室廬田園所恃以無恐者賴此一帶子塘之保固耳塘瀆則民有其魚之嗟塘成則戶有安

瀾之慶實闔郡生靈命脈所關非僅便行人免病
涉已也自錢武肅王築塘以來宋自大中祥符至
嘉熙凡七修築明自洪武迄成化凡八修築中間
衝決不常大約皆隨時補葺未有一勞永逸之圖
也歲丙申按是歲為康熙五十五年淫雨連綿江水暴漲怒潮
衝刷自徐范二村以至轉塘壞數百餘丈不惟行
人苦之而附塘之室廬田園皆岌岌有不保之勢
今制憲覺羅滿公按名保字雲岫滿洲人康熙甲戌進士

覲經臨惻然念之首捐清俸會同撫憲江西朱大中

丞按名軾字可亭高安人康熙甲戌進士檄委杭守張公按名為政字鳳崖山

定鄉小識卷十四 二

東蓬萊人康庀材鳩工及時修築大方伯河南段
熙王子舉人按名志熙字百惟仰承兩憲之心力為任之共
公按名志熙字百惟濟源人以蔭入仕
修塘七百二十餘丈用過料工銀六千八百七十
兩有奇經始於康熙五十六年十月十一日竣工
於五十七年三月二十二日不動民間一夫不數
月而告成功焉一望康莊不惟行道坦坦民未病
涉而濱江之人歡聲載道咸以為繼自今乃有田
園室廬之樂偉哉功不在大禹下也

沿江石塘屬定鄉者自六和塔月輪山麓始西
上抵徐村有塘經范村有塘兩村之間九龍諸

山嶺岸江錯間每於隙處槩築踰牛坊嶺而西
由朱橋轉塘曲折以抵定山綿亘不斷定山塘
盡處有石柱石獅植立塘上以為標識攷塘在
唐時即有之崔國輔詩路遶定山轉塘連范浦
橫正指此一路江塘特未知是土是石耳至吳
越錢王經營版築其及定鄉與否載籍無明文
宋置捍江軍士後復專設修江司隄凡數修大
祥符七年潮直抵郡城守臣成綸漕臣陳堯佐
請累木為岸實土薪以捍之或言非便命轉運
使李溥按視十月壬戌溥請如錢氏舊制立木
積石以捍潮波從之時水大溢踰年不就九年
郡守馬亮禱于胥祠潮為之卻又漲沙數里隄
乃成天聖四年二月辛酉侍御史方謹言請修

定鄉小識卷十四

三

江岸二斗門景祐中隄復壞轉運使張夏築隄
自六和塔以下凡十二里置捍江兵士五指揮
采石修塘人為立祠慶厯初六月大風潮隄壞
守臣楊偕漕臣田瑜築隄二千二百丈丁寶臣
作記六年漕臣杜杞築隄起官浦至沙陘其後
七十餘年事無可攷至紹興十年從轉運副使
張滙請招填捍江軍十年修石隄二十年吏
部尚書林大鼐言潮為吳患其來已久捍禦之
策見於浙江亭碑目自江流失道潮與洲門怒
號激烈千霆萬鼓民以不安乞選諳曉之士專
置一司詢故老究利病脈絡而後興工且言羅
紉江濱舊有吳英烈王廟廬於回祿乞靈無所
乞付有司營葺從之乾道七年十一月十八日
帥臣沈夏修石隄又增石塘九十四丈嘉熙二
年秋潮搗月塘頭壞廬舍四十里三年六月命
京尹趙興權修築因請於旁近先築土塘為救
急之計然後內築石塘又言近觀潮勢忽覩異
物非龍非魚什伍鼓鬣揚鬣欲望奏告上
帝或施強弩火炮以絕其妖又奏役殿步司官
五千五百餘人并募夫工及修江司軍士三千

餘人貼立石倉夾植椿笆板木晝夜運土填自
水陸寺之下江家橋之上近江港口築壩南北
長一百五十五丈自團圍頭石塘近江築壩水塘
長六百丈自六和塔以東一帶石隄添新補廢
四百餘丈越三月書史所言皆統紀之未有專
而工畢水復其故

指定鄉者惟嘉熙中海潮壞隄四十里則江路

亘遠必及定鄉矣況南渡立國之後地近輦轂

宦估繁輳江塘為入閩歛要衝采石桐廬歲為

修築此事勢要然惜乎簡冊之略也元室日促

修制無聞明惟成化粗有模跡成化八年八月九

工部侍郎李顯亦未析言其處康熙間雖屢修

輒決壞故魏氏有包定二山沒入浪花如綫一

定鄉小識卷十四

四

塘安能抵拒之言前哲皆因錢氏舊址增加故

難況頻年以來龕齋亦為沙土所壅潮更北徙

滔天之勢包定二山沒入浪花如綫一塘安能

抵今惟徐范二村時為海潮衝齧其朱橋西上

直抵定山塘下江沙漲遠已為乾隄矣若夫由

定山東之杜家橋直抵新嶺一帶驛路出郡溯

自六和寺至杜家橋皆沿江行過橋從馬舖西

上不復行江塘遠定山之陰經凌家橋抄公館

山麓過涓橋楊村要即古昔江塘故址故楊村

社井以達新嶺西有地名新塘焉

土堤 定鄉江村惟北近山麓其東起定山西抵黃
山巖南岸大江延袤二十餘里都屬漲沙有溝瀆

無圩塘東面海潮自浮山衝擊田爲汙萊勢無可

防西南承睦歛之水往往橫溢壅障爲亟父老言

昔時水道疏通江患極罕近則中流橫亘沙洲自

富陽觀山下至漁山渡口凡二十餘里此沙漲自明初西屬

富陽東隸錢塘及仁和鹽場其餘復有南沙小沙諸處忽連忽斷崩漲

不常未有村廬僅可種藝流既不暢而上游山縣長官復不行

伐蛟之政故夏秋之間毒蜃乘風雨出江忽暴漲

溺壞田廬兼以山戶棚民賃地耕掘土膚剝損力

不滲水卒遇大雨沙礫逐流而下填淤江腹無以

容波此定鄉所由多水患也南面舊有土隄地既

定鄉小識卷十四 五

崩圯隄亦隨之道光末頻歲患水西面新築土隄

頗資捍衛而南面闕如咸豐乙卯父老共議榷障

釀錢召夫余分監五百丈有奇督役百餘日痼疾

大作余有詩紀之是秋無水患田稍有獲丁巳五

月洪水怒溢浸及半扉隄盡摧壞七月復大水他

所築隄無存焉者矣惟余所監尙堅屹無恙而水

漫演四溢稻卒不年嗟乎天棄此土如楚瘦氣脈

弗周牧令以僻遠不觸於睫無有籌畫甦吾民者

閩左又瘠窮力弗任榷石之役故但期累土塌流

而沙性浮薄勢不持久區區一粟屢爲橫流所注

里日貧困譬之疾也肘柳而背瘍千創百孔治療
非易徒束手浩歎而已

附詩

春夏之際江口修築南塘余分監五百丈有
奇積勞三月舊疴復劇

江村之南江連天村夫日種江邊田江高沙互水
爭道漲時直過桑麻顛平地魚龍出人路歲攫稻
梁入海去城中官府瘦且聾但促胥奴督租賦父
老奔走議各張豈容量水輸官糧五行尅制有古
法捧泥捍水需陂塘窮村無力役畚揭醫瘡還割

定鄉小識卷十四

六

父老肉東西履畝稅私錢抵榷淇園萬千竹頰肩
汗脊勞汝躬綫路亦須千夫工五百丈隄首尾屬
一眼修互如晴虹不敢水衡費大府但勸汝莫吝
疲苦縱然僻陋形勢微封埵丸泥豈無補我聞漢
時吾郡華功曹賺民棄土揜厥勞失信於眾我何
敢日虞不給形神焦又聞吾家司封築隄十二里
勳與錢王略比似我今不請內府錢赤手搏沙終
自恥且與江斐酌一尊息壤要汝盟吾言壓捺濤
頭逐水怪護我一撮毋我吞但得隄高水落沙田
歲歲熟便使不才老病日服百藥亦不惡

志水利者隄塘之外例及橋梁埭壩蓋溪浦通塞之故於是可攷見焉第地狹隘建制希有無可分編故就所知者聯綴諸

環翠橋 在六和塔南江岸入塢爲蕭園

吳溝橋 舊在秦望山麓東爲六朝徐氏故廬錢塘縣志徐秋夫宅在吳溝東

徐村橋 在徐村咸淳臨安志在徐范村浙江通志徐村大木橋通富陽驛道爲往來要衝舊係木橋雍正五年總督李衛改建石橋

牌山橋 在徐村咸淳臨安志在徐村

定鄉小識卷十四

七

五雲山東有排山塢牌宜作排

范村橋 在范村咸淳臨安志在范村

橋在范村浦上過橋而西卽牛坊嶺嶺麓舊有感應菴故亦呼感應橋

外度橋 在范村北雲棲塢口西湖漁唱外度橋在七佛寺北由江干清風亭至范村入雲棲必經橋上青龍聖義金液諸泉會合於此入江

義橋 今廢無攷咸淳臨安志在徐范村

是橋潛氏列徐村橋前其址久圯名亦弗存

朱橋

一名大朱橋亦稱朱梁又呼上諸橋舊曰萬年橋

在百子山前江口

咸淳臨安志在徐范村又漁山渡在大朱橋鹽場
萬厯杭州府志萬年橋在范村南十里萬厯戊子
杭守余良樞建萬厯錢塘縣志上諸橋一曰大朱
橋萬厯二十四年僧秣宏耆德葛廷祿修造西溪
梵隱志土人相傳朱橋是貴人朱清擔柴路康熙
錢塘縣志上諸橋一曰大諸橋萬厯丙申雲棲善
知識蓮池大師卓錫於此里人葛廷祿修造湖山
便覽在范村西江船抵暮避風者多泊橋下

春渚紀聞敘東坡請開新河道里有南蕩朱橋
港語則橋名舊矣昔橋側爲朱姓族居朱宣慰
定鄉小識卷十四

八

實宅於是聶氏以江干有諸橋別之曰上非也
橋本跨江岸明余太守移建港次北繫百子山
南繫午山記所云兩山之麓後蓮池僧與葛東
橋仍築江口卽今處也規制堅鉅江上各橋以
此爲壯東指海門雲帆雨檝隱隱濤雪之中夕
則篷燈漁火鱗泊江次搖射如畫相傳梁鹽官
朱世卿僑隱處凌岱春詩卜隱遂令橋得名指
此其說未知是否

余良樞

建萬年橋記

萬年橋舊名上諸去郡城三十里許濱錢塘江潮
激屢圯耆民胡璋募修復舊未十年復圯予聞之
乃捐俸伐石工徒竝作屬邑爭率錢佐費有差督
幣三河孫公又大捐助竝付僧如通者主之工未
強半復圯於潮予大驚異曰潮日再至屢修屢圯
是終不可成乎然潮波吞岸濱江不宜橋也盍徙
入百餘步相其地蓋兩山之麓相夾於道若有待
者爲文告於馮夷移所運石改建其地始今年四
月之朔日告成於秋四閱月計爲工凡幾糜金凡
幾下纍址捲石爲甕高五丈有奇廣二丈餘東西
長各五丈有奇規制比舊更飭頗稱堅好行人胥
慶先是改建之日有敝衣道人乞食工所食旣道
人曰此萬年橋也道人忽不見人竝異之至是橋
成里人遂以萬年名橋云

方回

朱橋早行

田閒夜打稻茅茨耿明燈客行過籬外吠犬似可
憎放馬齧露草小憇寒塘膝坐念今民間貪吏無
以繩幸此歲稍稔庶足供科徵不然豈不窘況乃
軍旅興往者孰柄國未謂杞遽崩僞心感咎證水

旱長頻仍茲獨有年屢天仁良可憑緩轡忽得句
數星陂水澄

錢惟善

朱梁夜泊

長虹下飲逆流渾雪色沙寒石鬪喧晚飯鐘催鄰
驛寺宵漁火映竝山村月明欲解江靈語風橫難
招海賈聶氏志作佑客魂忽憶楓橋曾繫纜一篷烟雨夢

吳門

釋大善

朱橋

定鄉小識卷十四

十

江潮不畏海門遙進浦雲生第二橋乍入松濤旋
作雨忽翻竹浪又爲潮遠來貨物舟人識初到商
人店主招夜泊客燈漁火伴月明沙岸草蕭蕭

三子橋 在黃山路口萬厓錢塘縣志在定北鄉

崇明橋 在黃山路口萬厓錢塘縣志在定北鄉

橋俗譌爲瓊林黃山諸水合此入江橋柱欹殆
圯經久不折相傳建橋時有跛丐過此頓足而
歛眾怒詰之笑曰但歛耳弗圯也忽失所在至
今以爲仙蹟云秋夜橋上望月最勝

吳橋 在黃山萬厓錢塘縣志在定北鄉

葉婆橋 在黃山萬厯錢塘縣志在定北鄉

橋向在黃山烏雉嶺東潛氏以為在徐范村非

梁婆橋 萬厯錢塘縣志在沿江路通富陽驛

慈母橋 在黃山

杜家橋 在象山下杜家浦

歸龍橋 在白巖山錢塘縣志白巖十景有歸龍橋

釋淨符

歸龍橋

橫身路口接來機三笑猶然響翠微不用構亭煩
引領人龍時有望雲歸

定鄉小識卷十四

十一

釋佛臣

歸龍橋

架石成虹大有由為緣烟水抱珠流山前接得皆
頭角要使為霖潤九州

凌家橋 在定山西萬厯錢塘縣志在沿江路通富

陽驛

橋在凌溪上受金家嶺滕村諸水入定山浦潛
氏以為在徐范村誤矣宋有凌氏居此故名今
子孫徙富春

定山橋 在定山浦萬厯錢塘縣志在定南鄉

橋畔多荒塚夜行者時遇鬼魅故俗以定山橋
爲惡地

永慶橋 在良戶村萬麻錢塘縣志在定北鄉
橋極小石有字云明嘉靖三十四年乙丑庚子
月重修聶志言定北恐別一橋

戚家橋 在佑聖觀側

涪橋 在虎頭頭山下涪橋菴前

橋自宋有之咸涪臨安志所記郵置有涪橋斥
堠而不列於橋梁何也定鄉地名最有古意者
曰涪橋良戶直是天成對偶可見昔日風俗之

定鄉小識卷十四

十三

美橋雖平小爲富陽驛路要衝

無私橋 在胡步馮氏里萬麻錢塘縣志在安吉鄉
橋一石約耳聶氏著錄不知何意相傳橋爲明
馮斗萃御史所築聶氏修邑乘葛司農實與書
局馮葛世友善故及之

橫溪橋 萬麻錢塘縣志在長壽鄉

邵家橋 萬麻錢塘縣志在長壽鄉

雲洞橋 萬麻錢塘縣志在長壽鄉

周家橋 萬麻錢塘縣志在長壽鄉

姜婆橋 萬麻錢塘縣志在長壽鄉

六畝橋 萬厓錢塘縣志在長壽鄉

杜家橋 萬厓錢塘縣志在長壽鄉

此與杜家浦之橋同名

沈朴橋 萬厓錢塘縣志在長壽鄉

柴家橋 萬厓錢塘縣志在長壽鄉

按潛氏郡志定鄉之橋云在徐范村者七義橋徐村

橋范村橋朱橋葉婆 聶志云沿江路通富陽驛

者六 徐村橋牌山橋 范村橋 云上四鄉路者十

六 三子橋崇明橋吳橋葉婆橋永慶橋定山橋

橋六畝橋杜家橋 魏氏志仍聶氏舊皆江路山

定鄉小識卷十四 十三

溪諸橋也而沙村未著錄今自浮山而外始余

里以暨周浦市略紀其跡焉

太平橋 在永福菴側

何家橋 在緣江浦上余里東葛螺舟挫足詩沿隄

度石橋迤邐登隴首指此

竹橋 在余村廬北

鮎魚橋 在余里西

孫家橋 在余里南

鏡澄橋 在余里南

夏家橋 在鹽塘元有隱士夏純陽善治疾今鄉中

夏姓絕少橋當卽宅處也

張官橋 在王安寺側明初余遠祖有官河東鹽課
提舉司諱士期者居張家衙橋或其所築與

板橋 在鄭村以橋名

楊村橋 在楊村湖步溪水洞諸水出此橋下通富

陽驛

攀桂橋 在楊村

躍河橋 在周浦市

坵閘壩

陡門閘 一名千金閘

萬厓錢塘縣志在定北鄉久廢居

定鄉小識卷十四

十四

民葛廷祿同子大成重建灌田數十頃西溪梵隱

志先是朱橋至百丈田凡千頃每旱魃為災則河

身龜坼朴菴子東橋公 廷祿字建閘以滙溪流而秉

耒者優游矣德厚者澤長故其曾孫岷瞻先生崛

起焉崇雅堂集葛氏今猶聚居閘旁之午山其地

以有閘瀦水多腴田土人呼為閘裏田又名其閘

曰千金閘

閘在百丈山東麓山有朴菴墓形家言司農之

興由此墓惜閘水聲潺潺驚散龍氣故一振卽

衰替云今閘石堅完啟閉以時守規不變東橋

明德遠矣定鄉水利惟此及浮嶼潭銅鑑湖獲灌溉之澤他則山田苦旱江田苦潦歲屢不年韓家閘 萬厯錢塘縣志在定北鄉近廢

閘舊在象山東清平菴前瀦洩桑柳溪之水土人言爲陳式匡司李所廢然聶志已有近廢之說司李明季人此譌傳也

渡上閘 在安吉鄉湖步之曇山北潮水自曇山浦入恐留濁淤故設此閘

永慶閘 在定南鄉良戶村瀦洩瀆橋公館山之水卽永慶橋也

定鄉小識卷十四

五

浮山閘 在定南鄉浮山村迴龍菴前瀦洩浮山浦之水其地名閘裏村今爲江潮衝圮

楊村閘 在安吉鄉楊村亦名永慶閘瀦洩楊村浦之水

東江閘 舊在東江渚故名嘉慶中移建定南鄉新沙瀦洩緣江浦之水今爲潮沙漲塞

大壩 在周浦市江口瀦洩湖步溪之水溪自湖步緣山東流合風水洞溪水出楊村浦以達於江溉田甚廣顧近溪之田苦低利瀦近江之田苦高利洩每致持鬪爭訐至今斷斷也

定鄉小識卷十四終

定鄉小識卷十四